

10. juli 2008.

Nalunaarut nr. 784.

Akiitsut allagartaannik allamut nuunneqarsinnaasunik børsimi nalunaarsorneqarsimasunik Pappialanut nalilinnut Toqqorsivimmi nalunaarsuinermi ingerlatsiviit pisisaaffii pillugit Kalaallit Nunaannut nalunaarut

Aktieselskabit pillugit inatsimmi, Kalaallit Nunaannut kunngip peqqussutaatigut nr. 620-kkut 23. juni 2008-meersukkut atortuulersinneqarsimasumi, § 41a, tak. § 161, imm. 5, naapertorlugu aalangersarneqarpoq:

§ 1. Akiitsut allagartaannut allamut nuunneqarsinnaasunut Pappialanut nalilinnut Toqqorsivik aqutugalugu suliarineqarsimasunut tunngatillugu ingerlatsiviup siulersuisuisa isumagissavaat toqqorsiviup paasisutissanik taakkunanilu kingusinnerusukkut allannguutinik makkuninnga erninnaq tigusaqarnissaa:

- 1) Ingerlatsiviup taaguutaa, sumiiffia, najugaqarfia allakkat apuuffissaat aamma Erhvervs- og Selskabsstyrelsimi nalunaarsorneqarneranut normua.
- 2) Taarsigassarsiat katillugit aningaasartaat ilanngullugu taallugit akiitsut allagartaasa amerlassusaat piginneqataassutillu annertussusaa.
- 3) Erniat- aamma akiliisarnerup tungaasigut atugassaritaasut.
- 4) Piffissaq taarsigassanik allamut nuutsitsiffik.
- 5) Immikkut atugassarititaasinnaasut.

Imm. 2. Akiitsut allagartaannik allamut nuussisinnaalertoqartinnagu siulersuisut Pappialanut nalilinnut Toqqorsivik nalunaarfigissavaat taarsigassarsianik allamut nuussinerup aningaasatigut nalinga tassani kingusinnerusukkut allannguutit pillugit.

Imm. 3. Akiitsut allagartaat allamut nuunneqarsinnaasut Pappialanut nalilinnut Toqqorsivik aqutugalugu suliarineqarsinnaangillat ingerlatsivik Erhvervs- og Selskabsstyrelsimi nalunaarsorneqartaartinnagu.

Imm. 4. Aktieselskabit pillugit inatsimmi § 41, Kalaallit Nunaannut kunngip peqqussutaatigut atortuulersinneqarsimasooq, naapertorlugu aalajangiinermi sinniisutut iliuuseqarsinnaasuutitaqarpat iliuuseqarsinnaatitaasut Pappialanut nalilinnut Toqqorsivimmi nalunaarsorneqarnissaat siulersuisut isumagissavaat, ilanngullugu taallugu akiitsut allagartaannik allamut nuunneqarsinnaasunik nutaanik pissarsinermi sinniisutut iliuuseqarsinnaatitaasut qassiusariaqarnerut.

Imm. 5. Akiitsut allagartaat allamut nuunneqarsinnaasut tamakkiisumik akilerneqarsimangippata siulersuisut tamanna Pappialanut nalilinnut Toqqorsivimmi nalunaarsorneqartissavaat.

§ 2. Akiitsut allagartaasa allamut nuunneqarsinnaasut Pappialanut nalilinnut Toqqorsivimmi suliarineqarnerannut il.il. aningaasartuutit tamaasa ingerlatsiviup akilissavai. Ingerlatsiviup institutti ataaseq arlallilluunniit isumaqatigiissuteqarfisavai pisinnaatitaaffeqartitaasut ingerlatsiviup akiligaanik imaaliorsinnaasut:

- 1) akiitsunut allagartaatiminnik allamut nuunneqarsinnaasunik allatsitsillutillu tassani toqqortarititaqarsinnaasut aamma
- 2) taarsigassanik allamut nuussineq, tamakkiisumik akiliineq il.il. kiisalu kontop killiffianik ilisimatitsissut ukiumoortoq pillugit nalunaarutisisinnaasut.

Imm. 2. Akiitsut allagartaannut allamut nuunneqarsinnaasunut iluanaaruteqarfiusartunut tunngatillugu pisinnaatitaaffeqartitaasooq iluanaarutit il.il. pillugit aamma nalunaarfigineqartassaaq ingerlatsiviup akiligaanik.

Imm. 3. Pisinnaatitaaffeqartitaasut namminneq instituttimik kontomik aqutsisumik toqqaasinnaati-taapput, suliassanik imm. 1-imi aamma 2-mi taaneqartunik ingerlatsiviup akiligaanik suliaqartus-samik, instituttip ingerlatsivik sullikkusuppagu aningaasartuutit ingerlatsiviup instituttimut isuma-qatigiissuteqarfigisaminut aningaasartuutissaraluisa amerlaqqataannik akilertilluni.

§ 3. Ingerlatsiviup akiitsunut allagartaatai allamut nuunneqarsinnaasut Pappialanut nalilinnut Toqqorsivik aqutugalugu siunissami suliarineqartassappata ingerlatsiviup Pappialanut nalilinnut Toqqorsivik § 1-imi taaneqartunik erninnaq paasissutississavaa.

Imm. 2. Ingerlatsiviup akiitsunut allagartaatai allamut nuunneqarsinnaasut instituttimut kontomik aqutsisumut tunniunneqassapput Pappialanut nalilinnut Toqqorsivimmiit aggeqqusissummi aalajan-gerneqartutut iluseqartillugit. Pisinnaatitaaffeqartitaasoq ingerlatsivillu paasissutissanik aggeqqusis-summi aalajangerneqartunik tunniussaqaartassapput.

Imm. 3. Aktieselskabit pillugit inatsimmi § 23 d, Kalaallit Nunaannut kunngip peqqussutaatigut atortuulersinneqarsimasoq, akiitsut allagartaannut allamut nuunneqarsinnaasunut tunngatillugu as-singanik atuutissaaq.

§ 4. § 1-imi unioqqutitsineq akiliisussanngortitaassutaassaaq.

§ 5. Nalunaarut atortuulersinneqarpoq ulloq 1. august 2008.

Erhvervs- og Selskabsstyrelsi, ulloq 10. juli 2008

OLE BLÖNDAL

/Grethe Krogh Jensen